

主編◎錢超塵
副主編◎王育林 劉陽

明萬曆朝鮮內醫院活字本《素問》

(中)

北京科學技術出版社

《黃帝內經》版本通鑒

第一輯

主 編 ○ 錢超塵
副主編 ○ 王育林 劉 陽

明萬曆朝鮮內醫院活字本《素問》

(中)

貴州師範大學內部使用

北京科學技術出版社

《黃帝內經》版本通鑒

第一輯

《黃帝內經》版本通鑒·第一輯

明萬曆朝鮮內醫院活字本《素問》（中）

黃帝素問五

卷五

卷五	總家類
篇目	26
字數	14
冊數	

144
22
14-5

補註釋文黃帝內經素問卷之五

○熱論篇第三十一

新校正云按全元起本在第五卷

黃帝問曰今夫熱病者皆傷寒之類也或愈或死其死皆以六七日之間其愈皆以十日已上者何也不知其解願聞其故

寒者冬氣也冬時嚴寒萬類深藏君子固密不傷於寒觸冒之者乃名傷寒其傷於四時之氣者皆能為病以傷寒為毒者最乘殺厲之氣中而即病名曰傷寒不即病者寒氣藏於肌膚至夏至前變為溫病夏至後變為熱病然其發起皆為傷寒致之故曰熱病者皆傷寒之類也○新校正云按傷寒論云至春變為溫病至夏變為暑病與王註異王註本

寸脈五

一

內經

素問為說傷寒論本陰陽大論為說故此不同

岐伯對曰巨陽者諸陽之屬也

巨大也太陽之氣經絡氣血榮衛於身故諸陽氣皆所宗屬

其脉連於風府

風府穴名也在項上八髮際同身寸之一寸宛宛中是

故為諸陽主氣也

足太陽脉浮氣之在頭中者亢五行故統主諸陽之氣

人之傷於寒也則為病熱熱雖甚不死

寒毒薄於肌膚陽氣不得散發而內鬱結故傷寒者反為病熱

其兩感於寒而病者必不免於死

藏府相應兩俱受寒謂之兩感

帝曰願聞其狀

謂非兩感者之形證

岐伯曰傷寒一日巨陽受之

三陽之氣大陽脉浮脉浮者外在於皮毛故傷寒一日大陽先受之

故頭項痛腰脊強

上文云其脉連於風府略言也細而言之者足大陽脉從巔入絡腦還出別下項循肩膊內俠脊抵腰中故頭項痛腰脊強○新校正云按甲乙經及太素作頭項腰脊皆強

二日陽明受之

以陽感熱同氣相求故自大陽入陽明也

陽明主肉其脉俠鼻絡於目故身熱目疼而鼻乾不得卧也

身熱者以肉受邪胃中熱煩故不得卧餘隨脉絡之所生也

三曰少陽受之少陽主膽

新校正云按全元起本膽作骨元起註云少陽者肝之表肝候筋筋會於骨是少陽之氣所榮故言主於骨甲乙經太素等並作骨

其脉循脇絡於耳故胃脇痛而耳聾三陽經絡皆受其病而未入於藏者故可汗而已

以病在表故可汗也○新校正云按全元起本藏作府元起註云傷寒之病始入皮膚之腠理漸勝於諸陽而未入府故須汗發其寒熱而散之太素亦作府

四日太陰受之

陽極而陰受也

太陰脉布胃中絡於嗌故腹滿而嗌乾五日少陰受之少陰脉貫腎絡於肺繫舌本故口燥舌乾而渴六日厥陰受之厥陰脉循陰器而絡於肝故煩滿而囊縮三陰三陽五藏六府皆受病榮衛不行五藏不通則死矣

死猶斃也言精氣皆斃也是以其死皆病六七日間者此也

其不兩感於寒者七日巨陽病衰頭痛少愈

邪氣漸退經氣漸和故少愈

為經五

三

三

八日陽明病衰身熱少愈九日少陽病衰耳聾
微聞十日大陰病衰腹減如故則思飲食十一
日少陰病衰渴止不滿舌乾已而嚏十二日厥
陰病衰囊縱少腹微下大氣皆去病日已矣
大氣謂大邪之氣也是故其
愈皆病十日已上者以此也

帝曰治之柰何岐伯曰治之各通其藏脉病日
衰已矣其未滿三日者可汗而已其滿三日者
可泄而已

此言表裏之大體也正理傷寒論曰脉大浮
數病為在表可發其汗脉細沉數病為在裏
可下之由此則雖日過多但有表證而脉大
浮數猶宜發汗日數雖少即有裏證而脉細

沉數猶宜下之正應
隨脉證以汗下之

帝曰熱病已愈時有所遺者何也

邪氣衰去不盡
如遺之在人也

岐伯曰諸遺者熱甚而強食之故有所遺也若
此者皆病已衰而熱有所藏因其穀氣相薄兩
熱相合故有所遺也帝曰善治遺奈何岐伯曰
視其虛實調其逆從可使必已矣

審其虛實而補
寫之則必已

帝曰病熱當何禁之岐伯曰病熱少愈食肉則
復多食則遺此其禁也

是所謂戒食勞也熱雖少愈猶未盡除脾胃
氣虛故未能消化肉堅食駐故熱復生復謂
復舊病也

帝曰其病兩感於寒者其脉應與其病形何如
歧伯曰兩感於寒者病一日則巨陽與少陰俱
病則頭痛口乾而煩滿

新校正云按傷寒
論云煩滿而渴

二日則陽明與太陰俱病則腹滿身熱不欲食

謔言

謔言謂妄謬而不次也○新校正
云按揚上善云多云言也圖之闕切

三日則少陽與厥陰俱病則耳聾囊縮而厥水

漿不入不知人六日死

巨陽與少陰為表裏陽明與太陰為表裏少陽與厥陰為表裏故兩感寒氣同受其邪

帝曰五藏已傷六府不通榮衛不行如是之後三日乃死何也岐伯曰陽明者十二經脉之長也其血氣盛故不知人三日其氣乃盡故死矣

以上承氣海故三日氣盡乃死

凡病傷寒而成溫者先夏至日者為病溫後夏至日者為病暑暑當與汗皆出勿止

此以熱多少盛衰而為義也陽熱未盛為寒所制故為病曰溫陽熱大盛寒不能制故為病曰暑然暑病者當與汗之令愈勿反止之令其甚也○新校正云按九病傷寒已下全

以然王

元起本在奇病論中王氏移於此楊上善云
冬傷於寒輕者夏至以前發為溫病冬傷於
寒甚者夏至以後發為暑病

○刺熱篇第三十二

新校正云按全元起本在第五卷

肝熱病者小便先黃腹痛多卧身熱

肝之脉環陰器抵少腹而上故小便不通
先黃腹痛多卧也寒溥生熱身故熱焉

熱爭則狂言及驚脇滿痛手足躁不得安卧

經絡雖已受熱而神藏猶未納邪邪正相薄
故云爭也餘爭同之又肝之脉從少腹上俠
胃貫膈布脇肋循喉嚨之後絡舌本故狂言
脇滿痛也肝性靜而主驚駭故病則驚手足
躁不得安卧

庚辛甚甲乙大汗氣逆則庚辛死

肝主木庚辛為金金剋木故甚死於
庚辛也甲乙為木故大汗於甲乙

刺是厥陰少陽

厥陰肝脉
少陽膽脉

其逆則頭痛負負脉引衝頭也

肝之脉自舌本循喉嚨之後上出額與督脉
會於巔故頭痛負負然脉引衝於頭中也負
負謂似
急也

心熱病者先不樂數日乃熱

夫所以任治於物者謂心
絡則神不安治故先不樂數日乃熱也

熱爭則卒心痛煩悶善嘔頭痛面赤無汗

內經五

六